



10392

介庵詞

目錄

醉蓬萊 一調

滿江紅

二調

水調歌頭 二調

瑞鶴仙

二調

朝中措 六調

新荷葉

三調

看花回 二調

芡荷香

一調

垂絲釣 二調

謁金門

八調

柳梢青 三調

好事近

八調

點絳脣 五調

秦樓月

二調

阮郎歸 三調

減字木蘭花

六調

鵲橋仙 四調

菩薩蠻

五調

介庵詞目

一

蝶戀花 二調

琴調相思引

二調

杏花天 二調

浣溪沙

六調

虞美人 三調

南鄉子

三調

畫堂春 二調

滴滴金

一調

青玉案 一調

沙塞子

一調

臨江仙 二調

鷓鴣天

三調

清平樂 二調

眼兒媚

一調

永遇樂 一調

訴衷情

二調

千秋歲 一調

風入松

一調

茶瓶兒 一調

祝英臺近

一調

五綵結同心 一調

瑞鷓鴣

一調



月中桂 一調

滿庭芳 一調

水龍吟 一調

如夢令 二調

蕊珠閣 一調

念奴嬌 一調

憶少年 一調

思佳客令 一調

惜分飛 一調

絳都春 一調

小重山 一調

隔浦蓮 一調

賀聖朝 一調

念奴嬌 一調

點絳脣 一調

轉調踏莎行 一調

瑞鶴仙 一調

看花回 一調

好事近 一調

賀聖朝 一調

浣溪沙 二調

菩薩蠻 一調

眼兒媚 一調

江城子 一調

西江月 一調

千秋歲 一調

虞美人 二調

瑞鷓鴣 一調

豆葉黃 一調

念奴嬌 一調

水調歌頭 一調

臨江仙 一調

喜遷鶯 一調

鷓鴣天 十一調

介庵目詞

二

介庵詞

宋 趙彥端

醉蓬萊

梅

向蓬萊雲渺姑射山深有春長好香滿枝南笑人間
驚早試問寒柯鏤冰裁玉費化工多少東閣詩成西
湖夢覺幾番清曉 好是羅幃麝温屏暖卻恨煙村
兩愁風惱一一清芬爲東君傾倒待得明年翠陰青
子蔭鳳凰池沼更把陽和從頭付與繁花芳草

滿江紅

茶藤

千種繁春春已去翩然無迹誰信道茶蘼枝上靜中
收得曉鏡洗妝非粉白晚衣弄舞餘衫碧粲寶鈿珠

介庵詞

一

珥不勝持濃陰夕 金翳度還堪惜霜蝶睡無從覓
知多少清夢釀成冰骨天女散花無酒聖仙人種玉
慚香德悵攀條記得鬢絲青東風客

又

錢前政盧光祖赴
鼎州幕席上作

津鼓鼕鼕三老醉知誰留得都不記琵琶洲畔草青
江碧桃李春風吹不斷煙霞秋興清無極悵尊前桂
子有餘香曾相識 殘雨晝初涼夕高燭爛新醅白
長歌斷歡意不如愁色父老能尋循吏傳關河暫枉
諸侯客待日邊一紙詔黃飛勝相憶

又

汪秘監
席上作

賜被熏爐曾同見官槐重綠時歸看綺疏疊嶂禁腰

翻曲君過蓬山輕歲月我懷廬阜分符竹道別離待
得再歸來人應俗春欲動醅初熟追一笑森三五
且相對青眼共裁紅燭小語人家閒意態淺寒都下
新裝束念平生和雨醉東風從今足

水調歌頭

秀州坐
上作

秋色忽如許風露皎如空平生青鬢餘地老與故人
同憶得鱸魚來後雜以洞庭新橘月墮酒杯中賓客
可人意歌舞轉春風坐間玉花底扇又從容從容
更好無奈多病已衰翁賴有主人風味識我少年狂
態乞與酒顏紅一醉曉鴉起流水任西東

又爲壽

介庵詞

二

淦水定何許樓外滿晴嵐落霞蜚鳥無際新酒爲誰
甘聞道居鄰玉笥下有芝田琳苑光景照江南已轉
丹砂九應降素雲三憶疇昔翻舞袖縱劇談玉壺
傾倒香霧黃菊釀紅柑好在當時明月只有爐熏一
縷緘寄可同參臙肯南遊不蓬海試窮探

瑞鶴仙

爲壽

記河梁折柳問畫堂樂事燕鴻難偶十年漫回首但
亭亭紫蓋差差南斗傳聞小有種桃花親煩素手怪
歸來道骨仙風縹緲迥然非舊清畫江南如畫紫
菊冬前翠橙霜後扁舟渡口佳客至奉名酒喚青鸞
起舞雲窗月檻一曲山明水秀笑相看玉海別來淺

如故否

又歲交代沈公雅臺山
寺作繼作朝中措

攬垂楊細折有別情遺愛與君都說文茵帶珮韞是
行春來處去年阡陌柔桑半葉轉風光輕颺秀麥正
人家共約耕相借牛社相留客 清絕溪山猶記脫
帽吟風倚樓招月東君何事將春至放春歇道從今
江上一花一柳皆想油幢瑞節縱離愁瘦減腰圍帶
金正暉

朝中措

山礬風味更梨花清白競春華試問西園清夜何如
山崦人家 楚東千嶂吳江一棹雲路非賒惟有相

介庵詞

三

思兩地可憐淡月朝霞

又

燒燈已過禁煙前春信遞相傳柳暗乍迷津霧花暄
欲照江天 天涯賓主相逢老矣一笑歡然晚歲許
同廬社西風不買吳船

又東風亭
初成

長松擎月與天通霜葉亂驚鴻露炯乍疑杯灑雲生
似覺衣重 江南勝處青環楚嶂紅半溪楓倦客會
應歸去一亭長枕寒空

又

幾枝筇竹半煙雲鐘鼓醉中間千點好山餘思一灣

流水能分 多情皓月 栖輪夜午 光動風文 看取清
閒賓主 猶勝富貴 封君

又 路彥豐
生日

新涼溪閣 暮山重水 月共空濛 九轉不須塵外 三峯
只在壺中 他年盛業 雲間可望 林下難逢 記取薊
林巖洞 何如于越 秋風

又

西城煙霧 一重重瀟灑 便秋風 巧妒玉人 裝髻無如
禁鑰難通 新聲窈窕 怨傳楚些 嬌竝吳宮 夜久三
星爲粲 皓娥宣爲君容

新荷葉

介庵詞

四

欲暑還涼 如春有意 重歸春若歸來 任他鶯老 花飛
輕雷澹雨 似晚風欺得 單衣簷聲 驚醉起來 新綠成
圍 回首分攜 光風冉冉 菲菲曾幾 何時故山 疑夢
還非 鳴琴再撫 將清恨都入 金徽 永懷橋下 繫船溪
柳依依

又

雨細梅黃 去年雙燕 還歸多少 繁紅盡隨 蝶舞蜂飛
陰濃綠暗 正麥秋 猶衣羅衣 香凝沈水 雅宜簾幕重
幃 繡扇仍攜 花枝塵染 芳菲遙想 當時故交 往往
人非 天涯再見 悅情話景 仰清徽 可人懷抱 晚期蓮
社相依

又秀州

玉井冰壺人間有此清秋笑語雍容合從庭戶初修
迎風待月香凝處四捲簾鉤月波奇觀未饒當日南
樓聞說三吳江湖從古風流况有雙轡舊譜黃閣
青油金甌屢啟應難解久爲人留天池波濫可憐蘋
滿汀洲

看花回

張守
生日

注目正江湖浩蕩煙雲離屬美人衣蘭佩玉澹秋水
凝神陽春翻曲烹鮮坐嘯清淨五千言自足橫劍氣
南斗光中浩然一醉引雙鹿回雁未歸書未續夢
草處舊芳重綠誰憶瀟湘歲晚爲喚起長風吹飛黃
鳴功名異時圯上家傳謝寵辱待封留拜公堂下授
我長生錄

介庵詞

五

又爲壽○東巖
麗菴居士也

愛日報疎梅動意春前呼得畫棟曉開壽域度百和
溫馨霜華無力斑衣翠袖人面年年照酒色環四座
璧月瓊枝恍然江縣擬鄉國聞道撫東巖舊迹又
殊勝謝家清逸知與桃花笑了定何似青鳥層城消
息他年妙高峯上優曇會堪折擁輕軒未妨遊戲看
取朱輪十

艾荷香

席上用韻送程
德遠罷金谿

燕初歸正春陰暗淡客意淒迷玉觴無味晚花雨退

凝脂多情細柳對沈腰渾不勝衣垂別袖忍見離披
江南陌上強半紅飛 樂事從今一夢縱錦囊空在
金枕誰揮舞裙歌扇故應閒瑣闥練江詩就算橫
舟寧不相思腸斷莫訴離杯青雲路穩白首心期

垂絲釣

千越亭路彥捷置酒同別富南叔

短篷醉艤江南秋意如雨露草星明風柳絲委危檻
倚爲故人宴喜 歡無幾念青鞵紫綺論詩載酒猶
勝心記雙鯉倦游晚矣雲路非吾事湖海從君意沙
雁起記夜闌隱几

又

暮愁有信全勝春夢無準篆縷欲銷衣粉堪認殘夢

介庵詞

六

醒枕夜涼滿鬢 想香徑正垂垂美蔭晚花在否朱
闌誰與同凭斷雲怨冷青鳥無憑問紅葉翻成恨三
五近試預占破鏡

謁金門

題扇

朱檻曲妝淺鬢雲吹綠半尺鷺溪涼意足手香霑柄
玉 午夢已驚難續說與翠梧修竹蓬海路遙天六
六乘鸞何處逐

又

勞顧曲燕貢雅羞衣綠魯酒不能無味足小杯空薦
玉 只願此懽常續莫序水邊絲竹明日朝參同趁
六猶期歸騎逐

又

休相憶明夜遠如今日樓外綠煙村冪冪花飛如許
急柳岸晚來船集波底斜陽紅濕送盡去雲成獨
立酒醒愁又入

又

春已半繡緣新紅如換燕子還來簾幕畔閒愁天不
管翠被曲屏香滿花葉彩牋人遠鵲喜蛛絲都未
剗連環空約腕

又

春不盡處處與情相趁誰道劉郎家恁近一年花不
問雙翦畫羅春勝今夜月圓如鏡怎得酒闌心易

介庵詞

七

定試將金液鎮

又

春似繡不是別離時候滴盡黃昏殘刻漏月高花影
晝好在畫屏金獸深瑣粉窗蘭牖溪水南來堪問
否幾時離渡口

又

朱戶密鎮鎖一庭春日畫幕黃簾芳草碧游蜂初未
識脆管塵絃無力青子綠陰如織花滿深宮無路
入舊遊渾記得

又

春意密不受人間風日一曲清歌雲暮碧尊前今夜

識 醉客倦吟無力滯夢停愁相織只道桃源難再
入有人還問得

柳梢青

生

衰翁自謫堪笑忘了山林閒適一歲花黃一秋酒綠
一番頭白 浮生似醉如客問底事歸來未得但願
長年故人相與春朝秋夕

又

庚寅生日
鉛山作

危言日出天上漫試人間無術一笑歸來身如蟬蛻
首如龜縮 年年白酒黃花共願我光風霽月不道
道人駸駸老去如何消得

又

介庵詞

八

醱醑過也醑醑過後無花堪折只有垂楊垂楊卻作
絮驚行色 海棠半在如無又爭倩薔薇戀得除是
東風隨君歸問玉堂消息

好事近

乘風
亭作

君莫厭江鄉也有茂林脩竹竹外有些亭榭置酒尊
棊局 棊神酒聖各成歡歡長更燒燭寄語故人鵬
鷗任傾金圍玉

又

送林
主簿

君到共黃花君去早梅將發君不待梅歸去問與誰
同折 白頭潘令一年秋有酒恨無客莫忘道山堂
上話清音風月

又虞劍判
席上

草草復匆匆相見也還相憶記取夢魂詩思似水光
山色清音堂下一扁舟誰主又誰客休厭一杯相
勸看梅梢將白

又晚集
後園

尋得一枝春驚動小園花月把酒放歌添燭看連林
爭發從今日日有花開野水釀春碧舊日愛閒陶
令作江南狂客

又白雲
亭

風露入新亭看盡楚天秋色行到暮霞明處有金華
僊刻孤城喬木墮荒涼白雲帶溪碧喚取小舟同

介庵詞

九

醉話江湖歸日

又蠟
梅

一種歲前春誰辨額黃腮白風意只吟羣木與此花
修別此花佳處似佳人高情帶詩格君與歲寒相
許有芳心難結

又

朱戶閉東風春在小紅纖雪門外未寒猶暖怪有花
堪折梨花菊蕊不相饒嬌黃帶輕白莫厭醉歌相
惱是中原鄉客

又

日日念江東何有舊人重說二妙一時相遇怪尊前

頭白 山城無物爲君歡薄酒待寒月草草數歌休
笑似主人衰拙

點絳脣 路德友
席上作

山水鄉中豈知還有中原笑醉歌傾倒記得昇平調
舊日年光試把華燈照心情好有些懷抱擬向梅
花道

又

一點青陽早梅初識春風面暖回瓊管斗自東方轉
白馬青袍莫作銅駝戀看宮線但長相見愛日如
人願

又

介庵詞

十

護雨烘晴紫雲縹緲來深院晚寒誰見紅杏梢頭怨
絕代佳人萬里沈香殿光風轉夢餘千片猶恨相
逢淺

又

秋入闌干亭亭波面虹千丈一聲漁唱畫箇三高樣
江上風波更泛吳松浪寒潮漲石魚酒舫漫叟知
何向

又

題西
隱

好在蒼苔摩挲遺恨風還雨一涼相與片月生新浦
天外離居爲我蓀橈舉山如許故人來否歲晚鱸
堪煮

秦樓月

詠瑞香

香蕤蔽小山叢桂烘溫玉烘溫玉酒愁花暗沈腰如
東 煩君剩與陽春曲爲君細拂衾羅馥衾羅馥一
春幽夢與君相續

又

梅綴雪雪綴梅花肌膚愜肌膚愜豐姿濃態瑩如玉
色 歲寒期約無相缺祥花不減晴空月晴空月依
前消瘦還共清絕

阮郎歸

歲寒堂下兩株梅商量先後開春前日繞一千回花
來春又來 冰可斷玉堪裁寒空無暖埃爲君翻動

介庵詞

七

臘前醅酒醒香滿懷

又

一春種得牡丹成那知君遽行東君也自沒心情夜
來風雨聲 追問闌數清明不應歌渭城只愁河畔
草青青卻須離緒生

又

餘干留別人家

三年何許競芳辰君家千樹春如今欲去復逡巡好
花留住人 紅蕊亂綠陰勻絲雲新又新只因小闕
記情親動君梁上塵

減字木蘭花

贈摘阮者

四絃續續山水依然關塞足天上新聲謫墮人間得

自名 清歌宛轉彈向指間依舊見滿眼春風不覺
黃梅細雨中

又

綠陰紅雨暗淡衣裳花下舞花月佳時舞破東風第
幾枝 一杯相屬從地尊前三四燭酒盡花闌京洛
風流仔細看

又

一年歌舞還是花黃尊綠處雨橫風多比似年時恨
若何 簾深酒暖細雨斜風渾不管只有黃花欲近
佳人鬢畔鴉

又

介庵詞

三

送人南浦日日客亭風又兩相見如何梅子枝頭春
已多 真成別去酒病明朝知幾許淋損宮袍都是
人人醉後嬌

又

屈亭湘浦怨盡朝雲還暮雨知是誰何賦得清愁爾
許多 愛來慵去此意平生成恨許著盡茸袍想見
江梅雪後嬌

又

亂雲縈浦做雪不成還是雨知我爲何一笑仍添一
恨多 不須歸去琥珀杯深能幾許草色如袍記取
從今舞處嬌

鵲橋仙

來時夾道紅羅步障已換青絲翠羽春愁元自逐春
來卻不肯隨春歸去 千觴美酒十分幽事歸到只
愁風雨憑誰傳語牡丹花爲做取東君些主

又

正月廿三日
秀野堂作

江梅仙去臘梅風化只有緜梅呈秀不知春在阿誰
邊試與問青青楊柳 小園幽事中都風味鬪草分
香如舊東風莫漫送扁舟爲管取輕寒羅袖

又

送路勉道
赴長樂

留花翠幕添香紅袖常恨情長春淺南風吹酒玉虹
翻便忍聽離絃聲斷 乘鸞寶扇凌波微步好在清

介庵詞

三

池涼館直饒書與荔枝來問纖手誰傳冰盃

又

紅白二
色蓮

藕花塘上無塵無暑澹澹一池秋韻綠羅寶蓋碧瓊
竿翠浪裏亭亭月影 一家姊妹兩般梳洗濃淡施
朱傅粉夜深風露逼人寒問誰在牙牀酒醒

菩薩蠻

同飲晁伯如家席
上和韓无咎韻

雪中梅豔風前竹詩絲漸與情絲熟醉眼眩成花鬢
伊生臉霞 巫雲將楚雨只恐翻然去我有合懽杯
爲君聊挽回

又

雨聲不斷垂簷竹清歌喚起清眠熟洞戶有餘花回

傾細細霞 酒行如過雨 雨盡風吹去 吹去復盈杯
一春能幾回

又

繡羅裙上雙鴛帶 年年長繫春心在 梅子別時青如
今渾已成 美人書幅幅中有連環玉 不是只催歸
要情無斷時

又

倚闌閒撚生綃扇 新涼庭戶微風轉 疎雨斷簷聲淡
雲開晚晴 蔗漿寒浸齒 枕簟清如水 相憶不勝愁
月來簾上鉤

又集
句

介庵詞

古

青春背我堂堂去 桃花亂落如紅雨 是妾斷腸時 芳
心空自持 相思君助取 脈脈如牛女 天遠暮江遲
今宵歸不歸

蝶戀花

贈別趙邦才席上作

堂外溪橋楊柳畔 滿樹東風 更著流鶯喚 時節清明
寒暖半秦箏 欲妒歌珠貫 一寸離腸無可斷 舊管
新收盡 記雙帷捲 賴得今年春較晚 送人猶有餘紅

亂

又

雪裏珠衣寒未動 雪後清寒 驚損幽帷夢 風撼海牛
簾幕重 畫簷冰筍如流汞 一穗香雲佳客共 溜溜

金槽政爾新詞送酒戲詩鬪忘百中燭間有箇人非
眾

琴調相思引

臨別餘干
席上作

拂拂輕陰雨麴塵小庭深幕墮嬌雲好花無幾猶是
洛陽春 燕語似知懷舊主水生只解送行人可堪
詩墨和淚漬羅巾

又

曾躡姑蘇城上臺好山知有好人來幾回徙倚月裏
暮雲開 閑倚和風千步柳倦臨殘雪一枝梅暖香
高燭翻動道人灰

杏花天

介庵詞

十五

風韶雨潤催花候歎無限年年常有桃蹊杏陌相期
久一爲東君試手 匆匆去那人信否襟淚漬粉香
依舊單衣煮酒重來後好與看承人瘦

又

當時眾裏聞新曲拚一醉移舟換燭清波快送千帆
幅十里披煙泛玉 誰知度春寒夜獨常寄恨花關
漏促西風渡口蓮堪東一枕新涼會足

浣溪沙

題
扇

冰練新裁月見羞墨花飛作淡雲浮宜歌宜笑不妨
秋 約腕半籠衫草碧洗妝初失黛蛾愁嫩涼輕暑
奈風流

又

過雨園林綠漸濃
晚霞明處暮雲重
小橋東畔再相逢
睡起未添雙鬢綠
汗融微退小妝紅
幾多心事不言中

又

菊已開時梅未通
似寒如暖意融融
情親語妙一杯中
歌舞欲來須更理
林泉有樂政須同
好詩多味酒無功

又

渺渺東風泛酒船
月華爲地酒爲川
春于紅藥更留連
雲路功名方步步
草廬松竹自年年
他時人說

介庵詞

去

二疎賢

又

花下憑看月下迎
避人私語臉霞生
畫堂紅燭意盈盈
病酒一春愁與睡
倚闌終日雨還晴
強移心緒作清明

又

辛卯會黃蓮屬席上作

人意歌聲欲度春
春容溫暖勝於人
勸君一醉酒如澗
梅子枝頭應有恨
柳花風底不堪嚙
蓋公堂下淨無塵

虞美人

九月飲乘風亭故基

煙空磴盡長松語
佳處遺基古道人
乘月又乘風未

用秋衣沈水換熏籠 兩峯千澗依稀是想像詩翁
醉莫驚青蕊後時開笑倒江南陶令未歸來

又

凌虛風馬來無迹水淨山光出松間孤鶴睡殘更喚
起緜簫飛去與雲平 新亭聊共豐年悅一醉中秋
月江山擬作畫圖臨樂府翻成終勝寫無聲

又

罷官嘉禾張忠甫
諸公置酒舟中作

蘭畦梅徑香雲繞長恨相從少相從雖少卻情親不
道相從頻後是行人 行人未去猶清瘦想見相分
後書來梅子定嘗新記取江東日暮雨還雲

南鄉子

同韓子東飲
汪德召新樓

介庵詞

七

風露晚珊珊洛下湘中接珮環急把一杯相勞苦雲
端只恐冰肌亦自寒 二客共闌干激激鯨波吸未
乾待得月華移十丈乘權更上層樓極處看

又

濃綠暗芳洲春事都隨芍藥休風雨只貪梅子熟颺
颺卻送行人一夜秋 新月幸如鉤二五還催玉鑑
浮一段離愁溪樣遠悠悠只是溪流淺似愁

又

集
句

窗戶映朝光花氣渾如百和香卽遣花飛深造次茫
茫曲渚飄成錦一張 相憶莫相忘並蒂芙蓉本自
雙草色連雲人去住堪傷海上尖峯似劍鐔

畫堂春

飲趙淵卿
容光堂

倡條繁蒂綠層層解衫扶醉同登暝雲無樹亦峻嶒
紅袖深憑 病思去春饒睡醉魂因酒思冰夜涼星
斗挂修蠹歌盡香凝

又

滿城風雨近重陽夾衫清潤生香好辭賡盡楚天長
喚得花黃 客勝不知門陋酒新如趁春狂故人相
見等相忘一語千觴

滴滴金

送路彥捷
赴儀真

澄溪暝度輕漸白對平湖澹煙隔我與征鴻共行人
更張燈留客 東園半是餘花迹料仙帆到時發若

介庵評

六

倚江樓望清淮爲殷勤鄉國

青玉案

贈勉道
琵琶人

當年萬里龍沙路載多少離愁去冷壓層簾雲不度
芙蓉雙帶垂楊嬌髻絃索初調處 花凝玉立東風
暮曾記江邊麗人句異縣相逢能幾許多情誰料琵琶
洲畔同醉清明雨

沙塞子

春水綠波南浦漸理棹行人欲去黯消魂柳上輕煙
花梢微雨 長亭放艫無計住但芳草迷人去路忍
回頭斷雲殘日長安何處

臨江仙

和洪景盧
送行韻

憶著舊山歸去樂松筠歲晚參天老來慵似柳三眠
從教官府冷甘作地行仙 青瑣紫微追昨夢扁舟
已具猶憐有情如酒月如川爲君忘飲病更擬索茶
煎

又 席上次
元明韻

潦水似譏酒淺秋雲如妬蟾明幽人聞雁若聞鶯更
長端有意菊晚近無情 詩學笑中偷換燭花醉裏
頻傾羅衣迴立可憐生五湖雖好在客意欲登瀛

鷓鴣天 白鷺亭作

天外秋雲四散飛波間風艇一時歸他年淮水東邊
月猶爲登臨替落暉 誇客勝數星稀晚寒拂拂動

介庵詞

七

秋衣酒行不盡清光意輸與漁舟睡釣磯

又 送王漕侍
郎奏事

渺渺東風拂畫船不堪臨雨落花前清歌只擬留春
住好語頻聞有詔傳 秦望月鏡湖天養成英氣自
當年兩山總是經行處獻納雍容定幾篇

又 爲韓漕
死咎詩

憶醉君家倚翠屏年年相喜鬢毛青誰知緩步從天
下猶許清彈此地聽 揮羽扇寫鶯經使星何似老
人星幾時一試薰風手今日桐陰又滿庭

清平樂 建安作

新寒一段變盡人間暖說與羣花花不管只有江梅

情亂 江梅也似山人 人到老梅親斗 數衣冠氣
象百般歸去精神

又 席上贈人
花庵作闌思

桃根桃葉一樹芳 相接春到江南 三二月迷損東家
蝴蝶 殷勤踏取青陽風 前花正低昂 與我同心支

子報君百結丁香

眼兒媚 建安作

儂家風物似山家 梅老鬢絲華 幾回記得攀翻琪樹
醉帽欹斜 冷香不斷 春千里 歸路本非賒 有人卻
道使君猶健 看徧餘花

永遇樂 陪程全翁躍馬用其韻

介庵詞

杜曲桑麻灞橋風雪 歸夢無路 馬健凌秋 人間玩日
聊用寬遲暮 搖搖羽扇 翩翩鳧舄 勝處疑仙去 笑
相看 風林露草 古來有誰知趣 黃公壚下 山陰亭
畔 歲月著鞭 如鷺出塞 功名入關 游說紙上 俱難據
論詩說劍 尊前風味 天巧卻容人 覷問少陵 酣歌拓
戟 爲誰獻賦

訴衷情 雨中會飲賞梅鹿巖花枝

洗妝飲舞 傍清尊 霏雨澹黃昏 殷勤與花爲地 燒燭
助微溫 松半嶺 竹當門 意如村明朝 酒醒桃李 緜

山心事 誰論

又

江梅初試兩三花人意竟年華春工未敢輕放深院
擁吳娃 翻酒戲醉人家舊生涯而今且趁便面斜
陽莫照紅紗

千秋歲

杏花風下獨立春寒夜微雨度疎星挂暉暉濃豔出
嫋嫋繁枝亞朱檻倚輕羅醉裏添還卸 寂寞情猶
乍悵望驂鸞駕衣褪玉香欺麝一花拚一醉杯重憑
誰把春去也重簾翠幕人如畫

風入松

木
花

傳聞天上有星榆歷歷誰居淡煙暮擁紅雲暖春寒
乍有還無作態似深仍淺多情要密還疎 移尊環

介庵詞

三

坐足相娛醉影憑扶江南歸到雖憐晚猶勝不見跣
踏儘拚綠陰青子憑肩攜手如初

茶瓶兒

上
元

澹月華燈春夜送東風柳煙梅麝寶釵宮髻連嬌馬
似記得帝鄉游冶 悅親戚之情話况溪山坐中如
畫凌波微步人歸也看酒醒鳳鸞誰跨

祝英臺

近
春
恨

獸金寒簾玉潤梅雪印苔絮春意如人易散苦難聚
幾多絲竹深情池塘幽夢猶賴與春同住 舊游
處誰喚別浦仙帆風前問征路煙雨連江吹恨正無
數莫教紫燕歸來彩雲開後空悵望主人輕去

五綵結同心

爲淵
卿壽

人間塵斷雨外風，回涼波自泛仙槎。非郭還非埜，閑
鶯燕時傍笑語清佳。銅壺花漏長如線，金鋪碎香暖
簷牙。誰知道東園五畝種成國，豔天葩。主人漢家
龍種，正翩翩迴立雪紉烏紗。歌舞承平舊，圍紅袖詩
興自寫春華。未知三斗朝天去，定何似鴻寶丹砂。且
一醉朱顏相慶，共看玉井浮花。

瑞鷓鴣

爲嬌
壽

芙蓉池館一重重，留得黃花壽斝中。春到小春如有
信，日臨良月正相同。芝蘭美應瑤階瑞，蘋藻香吹
翠沼風。此夜隔牆聞鳳管，人間元自勝蟾宮。

介庵詞

三

月中桂

送杜仲
微赴闕

露醕無情送長歌，未終已醉離別何如暮。兩釀一襟
涼潤來，留佳客好山侵座碧。勝昨夜疎星淡月君欲
翩然去，人間底許員嶠問帆席。詩情病非疇昔，賴
親朋對影且慰良夕。風流雨散定幾回腸斷，能禁頭
白爲君煩素手薦碧藕。輕絲細雪去去江南路，猶應
水雲秋共色。

滿庭芳

道中憶錢
塘舊遊

雪暖萍漪，雨香蘭徑，西湖二月初時。兩山十里錦繡
照金鞦，柳外闌干相望。弄東風倚徧斜暉，朋遊好亂
紅堆裏。一飲百篇詩。三年江上夢青衫，風日白紵。

塵泥聽幾聲黃鳥粵樹聞溪長是春朝多病今年更
添得相思須歸去倦遊滋味猶有箇人知

水龍吟

春溪漠漠如空望中只與新愁去何知尚有煙間餘
忽洛津閑賦已瘦難豐久離重見好春如許念海棠
未老荼蘼欲吐且莫恨風嫌雨 休問無情水驛載
幽懷小橈輕艣君看睡起平階柳絮入門花霧才盡
無奇客殘如掃一尊誰舉悵行雲斷後祇應夢裏有
澄江句

如夢令

酹花

鴛瓦初凝霜粟冰筍旋裁春玉巧思化東風喚省蕊
紅枝綠清淑清淑會有蜂棲蝶宿

介庵詞

三

又

嫩柳眉梢輕蹙細草煙凝堪掬爭似小桃穠酒入香
肌紅玉清馥清馥不覺花闌漏促

蕊珠閣

浦雲融梅風斷碧水無情輕度有嬌黃上林梢向春
欲舞綠煙迷晝淺寒欺暮不勝小樓凝伫 倦游處
故人相見易阻花事從今堪數片帆無恙好在一篙
新雨醉袍宮錦畫羅金縷莫教恨傳幽句

念奴嬌

雨斜風橫正詩人閑倦淮山清絕彈壓秋光江萬頃

只欠凌波羅襪好事幽人憐予止酒著意溫瓊雪翠
帷低捲怪來飛墮初月涼夜華宇無塵舞裙香漸
暖錦茵聲闕不分金蓮隨步步誰遣芙蓉爭發賴得
高情湘歌洛賦稱作西風客爲君留住不然飄去雲
闕

憶少年

逢春如酒逢花如露逢人如玉東風送寒去蔚溫溫
香燄海上三山元似粟試招來共藏金屋與君醉
千歲看人間新綠

思佳客令

天似水秋到芙蓉如亂綺芙蓉意與黃花倚歷歷

介庵詞

三

黃花矜酒美清露委山間有箇閒人喜

惜分飛

送江鳴玉
歸烏壑

相與十年親且舊一笑天涯攜手霜際寒雲逗去年
情味君思否遠水無情冰不就在尊前眉岫腸
斷東南秀淡煙疎月梅時候

絳都春

別張
子儀

平生相遇算未有笑語閩山佳處舊日文章如今風
味渾如許眼前都是蓬萊路但莫道有人曾住異時
天上種種風流待君如故此白君家舊物看九萬
清風爲君掀舉舉上青雲卻憶梅花如舊否故人衰
病今無緒只種得梅花盈圃待君一過山家共斟露

醋

小重山

春日歸來如許長不知償此意幾何觴老人臨酒興
猶狂溪山主終不道山王 一雨罷耕桑平生懽喜
處是吾鄉與君花底共風光春莫笑花不似人香

隔浦蓮

西風吹斷蘿草來度芙蓉老座上人誰在晨參疎影
相照幽館寒意早簷聲小□□醉語秋屏曉相
攜勝處黃花香滿烏帽如今將見璧月瓊枝空好準
擬新歌待見了不道些兒心事還惱

賀聖朝

介庵詞

五

一江風月同君住了不知秋去賞心亭下過帆如馬
墮楓如雨 相將莫問興亡事舉離觴誰訴垂楊指
點但歸來有溫柔佳處

念奴嬌

建安饒文
代沈公雅

棠陰綠徧正金菊芙蓉爭放時節滿路歌謠民五袴
底事逢車催發結綵成門攀轅卧轍何計留連得故
園花柳盡成憔悴難說 今夜祖席郵亭主人來日
已是朝天客旌旆匆匆從此去□賞□湖風月眷戀
無因笑啼不敢那忍傷輕別瀛洲難駐一杯聊送行
色

點絳脣

途中逢
管仲

憔悴天涯故人相遇情如故別離何遽忍唱陽關句
我是行人更送行人去愁無據寒蟬鳴處回首斜
陽暮

轉調踏莎行

路宜人
生日

宿雨纔收餘寒尙力牡丹將綻也近寒食人間好景
算仙家也惜因循盡掃斷蓬萊跡 舊日天涯如今
咫尺一月五番□共懽集些兒壽酒且莫留半滴一
百二十箇好生日

瑞鶴仙

氣佳哉壽域正曉松呈翠早梅施白良辰值良月看
景星朝覩洗空霜潔珍圖瑞牒仰天心鍾在俊傑向

介庵詞

三

人間化作如膏甘雨莫放春歇 堪憶三吳樂事畫
戟凝香舞衣回雪風流勝絕尊中酒坐中客問今年
何事騎鯨南去久矣湘楓下葉早歸來應取千齡鳳
池舊列

看花回

端有恨留春無計花飛何速檻外青青翠竹鎮高節
凌雲清陰常足春寒風袂帶雨穿窗如利鏃催處處
燕巧鶯慵幾聲鉤輶叫雲木 看波面垂楊蘸綠最
好是風流煙沐陰重熏簾未捲正泛乳新芽香飄清
馥新詩惠我開卷醒然欣再讀嘆詞章過人華麗擲
地勝如金玉

好事近

一沮寄江千十載山青水碧山水大無餘意有故情
難識 故情難識有誰知夜殘更頭白別後是人安
穩只楚吳行客

賀聖朝

河陽桃李開無數待成春歸去小園幾月忽驚飛恨
主人難駐 雛鶯乳燕愁悲語道留君不住願君隨
處作東風與羣花爲主

浣溪沙

張宜興
生日

花縣雙鳧縹緲仙家庭椿樹正蒼然斑衣舉酒大人
前 嬋娟涼風供扇枕悠悠飛露濕叢萱醉扶黃髮

介庵詞

七

弄會立

又

水到桐江鏡樣清有人還似水清明尊前無語更盈
盈 翠袖舞衫何日了白頭歸去幾時成老來猶有
惜花情

菩薩蠻

佩環解處妝初了翠娥玉面金鈿小萼綠本仙家天
香誰似他 芳心真耐久度月長相守歲晚未能忘
相期雲水鄉

眼兒媚

王漕赴介
庵賞梅

黃昏小宴史君家梅粉試春華暗香素蕊橫枝疎影

月淡風斜 更燒紅燭枝頭桂粉蠟鬪香奢元宵近
也小園先試火樹銀花

江城子

上張帥

春風旗鼓石頭城急麾兵斬長鯨緩帶輕裘乘勝討
蠻荆蝮聚蜂屯三十萬爭面縛向行營 舳艫千里
大江橫凱歌聲犬羊驚尊俎風流談笑酒徐傾北望
旄頭今已滅河漢淡兩台星

西江月

爲壽

搗玉揚珠萬戶顰眉高髻千峰佳辰請壽黑頭公老
稚扶攜歡動 借問優游黃綺何如强健夔龍航船
一棹百分空澆潑胸中雲夢

介庵詞

天

千秋歲

外姑生日

柏舟高躅晚歲宜遐福門戶壯疎湯沐青袍圍白髮
瑞錦纏犀軸仙桂長文柯卻映蟠桃熟 縹緲長生
曲入破笙簫逐香霧薄菲華屋玉鉤涼月挂水麝秋
葉馥千萬壽酒中倒卧南山綠

虞美人

斷蟬高柳斜陽處池閣絲絲雨綠檀珍簾捲猩紅屈
曲杏花蝴蝶小屏風 春山疊疊秋波慢收拾殘針
綫又成嬌困倚檀郎無事更拋蓮子打鴛鴦

又

劉帥生日

疎梅淡月年年好春意今年早迎長時節近佳辰看

取衣黃髮畫麒麟
酒中倒卧南山綠
起舞人如玉
風流椿樹可憐生
長與柳枝桃葉共青青

瑞鷓鴣

榴花五月眼邊明
角簾流冰午夢清
江上扁舟停畫
槳雲間一笑濯塵纓
主人杯酒留連意
倦客關河
去住情都付郵亭
今日水伴人東去
到江城

豆葉黃

粉牆丹柱柳絲中
簾箔輕明花影重
午醉醒來一面
風綠蔥蔥幾顆櫻桃葉底紅

念奴嬌

中秋

姮娥萬古算清光
常共山清水綠
我欲蓬萊風露頂

介庵詞

无

眇視寰瀛一粟攜
手羣仙廣寒遊戲
玉砌琉璃屋歸
來一笑葛陂還訪騎竹
此夕縱飲清歡吸寒輝萬
丈快如飛瀑傾倒銀河
斟斗杓莫問人間榮辱
獨倚闌干浩歌長嘯
驚塵雲飛鶴亂呼蟾兔
搗霜爲駐顏
玉

水調歌頭

山色望中好
氣□□□連峯疊巘
極目高下與雲
平三洞沈沈何處
玉清洞在溪水中
隱映一溪煙樹
倒影碧

波□喚起驂鸞客
丹竈夜光橫
□□捲風□□□

□明佳人爲我垂手
淒怨理秦箏
千載虹橋新路依
約慢□歌舞一醉話
浮生但得尊盈酒
莫問世間名

臨江仙

賞美

十載長安桃李夢年來鏡淨塵空忽傳綵筆小牋紅
滿懷秋思傾倒爲芙蓉莫恨霜濃開較晚尊前元
有春風酣嬌肯爲別人容試攜銀燭斜照綠波中

喜遷鶯

登山臨水正桂嶺瘴開蘋洲風起玄鶴高翔蒼鷹遠
擊白鷺欲飛還止江上澄波似練沙際行人如蟻目
斷處見遙峯感翠殘霞浮綺千里關塞遠雁陣不
來猶把闌干倚數疊悲笳一行征旆城郭幾番成毀
白塔前朝寢陵青嶂故都營壘念往事但寒煙滿目
秋蟬盈耳

介庵詞

三

鷓鴣天

羊城舊名京口天下最號都會風軒月館豔姬角妓倍於他人以羣仙目之

四列十名於後各賦一闕

蕭秀

有女青春正及笄蕊宮仙子下瑤池簫吹弄玉登樓
月絃撥昭君未嫁時雲體態柳腰肢綺羅活計強
俱隨天教謫入羣花苑占得東風第一枝

蕭瑩

花動儀容玉潤顏溫柔嫵娜趁幽閑盈盈醉眼橫秋
水淡淡蛾眉抹遠山膏雨霽曉風寒一枝紅杏折
朱闌天台迴失劉郎路因憶前緣到世間

歐懿

日暝金□雲□梳素娥何事下天衢翩翩舞袖穿花
蝶宛轉歌喉貫索珠 簾翡翠枕珊瑚錦衾冰簟水
紋鋪春光九十羊城景百紫千紅總不如

桑雅

雲暗青絲玉瑩冠笑生百媚入眉端春深芍藥蘇煙
拆秋曉芙蓉破露看 星眼俊月眉彎舞在花影上
闌干醉來直駕僊鸞去不到銀河到廣寒

劉雅

醉撚花枝舞翠翹十分春色賦妖嬈千金笑裏爭檀
板一擲纖圍間舞腰 行也媚坐也嬌乍離銀闕下
青霄檀郎若問芳筭記二月蘇風弄柳條

介庵詞

三

歐倩

梅粉新妝間玉容壽陽人在水精宮浴殘雨洗梨花
白舞轉風搖菡萏紅 雲枕席月簾櫳金爐香噴鳳
幃中凡材縱有凌雲格肯學文君一旦蹤

文秀

綽約嬌波二八春幾時飄謫下紅塵桃源寂寂啼春
鳥蓬島沈沈鎖暮雲 丹臉嫩黛眉新肯將朱粉汗
天真楊妃不似才卿貌也得君王寵愛勤

玉婉

未有年光好破瓜綠珠嬌小翠鬢丫清肌瑩骨能香
玉豔質英姿解語花 釵插鳳鬢堆鴉舞腰春柳受

風斜有時馬上人爭看
擘破紅窗新絳紗

楊蘭

兩兩青螺縮額傍
彩雲齊會下巫陽
俱飛蛟蝶尤相逐
並蒂芙蓉本自雙
翻綵袖舞霓裳
點風飛絮恣輕狂
花神只恐留難住
早晚承恩入未央

吳玉

拂拂深帷起暗塵
清歌緩響自回春
月和燈市雲間墮
人對梅花雪後新
杯掌露舞衣雲酒慵
微覺翠鬢傾
洞房不厭陽臺雨
乞與游人弄晚晴

總詠

一簇神仙會見奇
漫誇蘇小與西施
憐輕鑊月爲歌

介庵詞

三

扇喜薄裁雲作舞衣
牙板脆玉音齊
落霞天外雁行低
看看各得風流侶
回首乘鸞舊路歸

介庵詞終

德莊名噪乾涸間官至朝請大夫直寶文閣知建寧府開府事賜紫金魚袋恩遇甚隆而度量宏博常戒趙忠定公曰謹勿以一魁先置胸中可想見其大槩矣余家舊藏介庵詞一卷板甚精良惜未得其全集又有文寶雅詞四卷中誤入孫夫人咏雪詞又曾見琴趣外篇六卷章次顛倒贗作頗多不能悉舉至如席上贈人清平樂昔人稱爲集中之冠反逸去可恨坊本之亂真也湖南毛晉識

介庵詞跋

平齋詞

目錄

沁園春 四調

風流子 一調

賀新郎 四調

漢宮春 一調

夏初臨 一調

滿江紅 二調

天香 一調

水調歌頭 二調

念奴嬌 二調

更漏子 一調

好事近 一調

朝中措 三調

點絳脣 一調

西江月 一調

浣溪沙 四調

菩薩蠻 一調

鷓鴣天 二調

蝶戀花 一調

平齋詞目

臨江仙 一調

南鄉子 一調

眼兒媚 二調

南鄉子 一調

祝英臺近 一調

謁金門 二調

卜算子 二調

柳梢青 二調

平齋詞

宋 洪咨夔

沁園春 壽俞紫薇

詩不云乎蒹葭蒼蒼白露爲霜看高山喬木青雲老
餘英華滋液亦歛而藏匠石操斤便游林下一舉採
之充棟梁須知道是天將大任翁處還張 薇耶玉
佩丁當問何事午橋花竹莊又星回歲換臘殘春淺
錦薰籠紫栗玉杯黃喚起東風吹醒宿酒把甲子從
頭重數將明朝去趁傳柑宴近滿袖天香

又 次黃宰韻

歸去來今杜宇聲聲道不如歸正新煙百五雨留酒

平齋詞

病落紅一尺風妬花期睡起綠窗銷殘香篆手板楷
頤還倒持無人解自追遊仙夢作送春詩 風流不
似年時把別聖江山供奕碁空一川芳草半池晴絮
歌翻長恨賦續懷離桃葉渡頭沈香亭北往事悠悠
難重思徘徊處看鳴鳩喚婦乳燕將兒

又 壽淮東制置

飲馬咸池攬纒崑崙橫鶩九州慶中興機會天生山
甫非常事業天授留侯左搏龍蛇右馴虎兕萬里中
原談笑收功名早便貂蟬獵獵飛出兜牟 新毗無
限歡謳盡賣劍賣刀歸買牛正麥搖薰吹黃迷斷壟
映涵朝雨綠徧平疇眼底太平不圖再見羅拜焚香

青海頭從今去願君王萬歲元帥千秋

又用周潛夫韻

秋氣悲哉薄寒中人皇皇何之更黃花吹雨蒼苔滑
展闌空鬪鳴牀老支龜靜裏蛩音明邊眉睫蹴踏星
河天脫鞵清談久頓兩忘妍醜嫫姆西施 濂溪家
住江湄愛出水芙蓉清絕姿好光風霽月一團和氣
尸居龍見神動天隨著察工夫誠存體段個裏語言
文字非君家事莫空將太極散打圖碑

風流子

和楊帥芍藥

錦幄醉茶蘼俊貌暖銀蒜壓煙霏正韓范安邊歐蘇
領客紅芳庭院綠蔭窗扉看句挽春春肯住更判羽

平齋詞

二

觴揮金繫花腰玉勻人面嬌慵無力姪姪相依繁
華都能幾青油幕好與遮護晴暉寄語東君莫教一
片輕飛向溫馨深處留歡卜夜月移花影露裊人衣
只恐明朝西垣有詔催歸

賀新郎

壽成都徐宰

露洗秋光透指岷峨無邊峭碧與君爲壽萬里同隨
琴鶴到只願人情長久儘頭白眼青如舊從臾功名
三尺劔倚函關風雨蛟龍吼談笑取印如斗 從今
盡展眉峯皺看諸郎翩翩黃甲班班藍綬一簇孫枝
扶膝下翠竹碧梧爭秀便嘉慶圖中都有花影婆娑
清晝永護新涼更著絲簧手歡未盡賸添酒

又壽程於浩

風□簾花約玉壺天
芙蕖欲蓋篔簹初
槩宿霽收陰晴色定
一點明星碧落光
拍滿浮谿岩嶸銀櫛鐵冠
風物古更秧青麥熟蠶登箔
謹取酒爲君酌
華堂繡袞今如昨
長官清水晶燈照珊瑚
琢富貴功名知有樣
晨起一聲簷鵲使好趁
六更宮鑰龍尾朝回
長燕喜寶香深醉引
萊衣著吹紫鳳舞黃鶴

又詠梅用韻
龍友韻

放了孤山鶴
向西湖問訊水邊嫩
寒籬落試粉盈盈
微見面一點芳心先著
正日暮煙輕雲薄欲攬清香
和月嚙倩馮夷爲洗黃金杓
花向我勸多酌
單于

平齋詞

三

吹徹今成昨
未甘渠琢玉爲堂把春留
卻倚徧黃昏
闌十二知被兒曹先覺
更笑殺盧仝赤腳
但得東風先在手
管綠陰好踐青青約
方寸事兩眉角

又

誰識昂昂鶴且隨緣
剩水殘山東村西落
世事幾番新局面
看底卻高三著
況轉首西山日薄
雪意壓簷梅索笑
任柄長柄短隣家
杓筠小甕動孤酌
見花憶得年時
昨正微醺獨步黃昏
被花迷卻冷月吹香
春弄影么鳳梢頭
先覺恍夢斷羅浮山
腳欲寄心期無驛使
想凌寒不奈腰肢約
空凭暖畫闌角

漢宮春
老人慶
七十

南極仙翁占太微元蓋洞府爲家身騎若木倒景手
弄青霞芙蓉飛旆映一川新綠平沙好與問東風結
子幾回開徧桃花 况是初元玉厯更循環數起希
有年華長把清明夜氣養就丹砂麻姑送酒安期生
遣棗如瓜歡醉後呼兒烹試頭綱小鳳團茶

夏初臨

鐵甕栽荷銅彝種菊膽瓶萱草榴花庭戶深沈畫圖
低映窗紗數枝奇石谿窠染宣和瑞露明霞於菟長
嘯風林□□霜草先斜 雪絲香裏冰粉光中興來
進酒睡起分茶輕雷急雨銀篋迸插簷牙涼入琵琶
枕幃開又送蟾華問生涯山林朝市取次人家

平齋詞

四

滿江紅

送雨迎晴花事過一庭芳草簾影動歸來雙燕似悲
還笑笑我不知人意變悲人空爲韶華老滿天涯都
是別離愁無人掃 海棠晚茶蘼早飛絮急青梅小
把風流醞藉向誰傾倒秋水盈盈魂夢遠春雲漠漠
音期悄最關情鴨鴛一聲催窗紗曉

又

老人遊東山追和
俞貳卿詞謹用韻

把酒西風渾莫問主賓誰惡千古事幾人遇合幾人
流落肝膽輪困溟渤小精神浩蕩蓬萊薄望拒霜紅
處是東山長如昨 蒼苔跡何曾削黃葉夢何難覺
等春雲出岫秋波歸壑老子婆娑風度遠佳人縹緲

腰肢約况登高節過又登高須多酌

閏九月

天香

壽朱尚書

雲母屏開博山爐熨人閒南極星現酥篆千秋燈圖
百子酒浪花光照面堂深戲綵任父老兒童爭勸耆
艾相將潞國精明恰如清獻 春風飄香合殿仗雲
齊漏遲宮箭正好簪荷人侍帕柑傳宴日月華蟲藉
綉便與試胸中五紋線壽域長開洪鈞長轉

水調歌頭

送曹侍郎歸永嘉

四海止齋老百世水心翁都將不盡事業付與道俱
東氣脈中庸大學體統采薇天保幾疏栢袍紅千仞
倚寥碧一點駕歸鴻 扈江籬貫薜荔製芙蓉午橋
綠野深處心與境俱融搏控乾坤龍馬簸弄坎離日
月蒼鬢映方瞳只恐又催詔飛度橘花風

平齋詞

五

又中夏望前
一夕步月

如此好明月梅裏自來無炎雲滄霧收盡宇宙一冰
壺淺瀨乍分隨合清影欲連還滉漾玉浮圖風物
庾樓似秋思欠蒹蒲 醉魂醒塵骨換我非吾瓊簫
紫鳳何許風露足清都君看流光多處縹緲澣洗人
立白與藕花俱只恐姮娥妬涼透粟生膚

念奴嬌

老人用僧仲殊韻詠荷花橫披謹和

香山老矣正商量不去留蠻素獨立躊躇腸欲斷
一段若耶溪女水底新妝空中香袖斜日疏風浦回

人欲語垂楊清蔭多處 便好花裏喚船碧甯白酒
微吸荷心苦佳月一鉤天四碧隱約明波橫注雪藕
逢絲碧蓮見蕙枕簟涼如雨一雙宿鷺伴人永夜翹
竝

又敬借老人
燈幟爲壽

光風霽月信行窩到處人間天上一笑喚回新造化
滿眼翠舒紅放腦後功名腳跟富貴夢斷春旗仗幅
巾蕭散任他蟻蝨龍象 正是楊柳初眠海棠半睡
錦繡天開障鶴骨松筋年望入得醉不妨瀾浪節過
燒燈時催修禊迎面韶華蕩宗文扶著問翁馬有何
向

平齋詞

六

更漏子

次黃宰夜
聞桂香

眼生花燈綴粟人在黃金列屋金縷細道冠明膽瓶
涼意生 緩歌絃停酒筇待得香風吹下斜月轉斷
雲回風流不讓梅

好事近

次曹提
管春行

二十四番風纔見一番花鳥已自有人春瘦正遠山
橫峭 踏青底用十分晴半陰晴方好深院日長睡
起又海棠開了

朝中措

送同官
蒲歸

荷花香裏藕絲風人在水晶宮天上橋成喜鵲雲邊
帆認歸鴻 去天尺五城南杜趣對柘袍紅若問玄

邊長策莫須浪說和戎

又次楊仲禹韻

翠盆紅藥護觥籌風物似揚州春事一聲杜宇人生能幾狐裘 有山可買有書可讀不願封留一任東風輦路羣公蒼佩鳴璆

又壽章君舉

滂葩七十二灘春鍾瑞石麒麟流水行雲才思光風霽月精神 金蕉進酒斑衣起舞喜氣津津羣玉峯頭環珮紫薇花底絲綸

點絳脣次張伯修韻

花事無多笙歌縮取東風住玉籀雕俎樓外更籌屢

平齋詞

七

行路 醉喚驪駒催上天梯去君知否半邊銅虎鄧艾經

西江月壽章叔厚

庭下宜男萱草牆頭結子榴花非煙非霧富平家人物風流如畫 寶月曾修玉斧銀河欲泛仙槎美人睡起綠雲斜一笑扶將壽筇

浣溪沙壽子有

蒼鶴飛來水竹幽初弦涼月一簾秋木犀花底試新筍 鳳硃硯供無盡藏龍飛榜占最高頭慈闈洗眼看封侯

又用吳叔永韻

細雨斜風寂寞秋
黃花壓鬢替人羞
□□□□負篋
篋 燕子樓寒迷楚夢
鳳凰池暖愜秦謳
暮雲凝碧
可禁愁

又壽蔡千及

小雨輕霜作嫩寒
蠟梅開盡菊花乾
清香收拾貯詩
肝 文武兩魁前樣在
功名四諫後來看
麻姑進酒
斗闌干

又

六曲屏山似去年
雪花欺得怕□寒
小窗和月照無
眠 筆點輕澌心欲折
燭搖斜吹淚空煎
伴人梅影
更堪憐

平齋詞

八

菩薩蠻

和子有韻

翠翹花艾年時昨
昨鬪新五采同心索
含笑祝千秋長
眉如莫愁 流光旋磨蟻
換調重拈起深院竹
和絲
皺紅裁舞衣

鷓鴣天

爲老人壽

天理從來屈有信
東風到處物皆春
門前驄馬權奇
種臺上慈烏反哺心
花鳥屐湖湖尊好將
長健傲
長貧諸孫認取翁翁
意插架詩書不負人

蝶戀花

畫斛黃花寒更好
人愛花繁卻被花催
老舊恨新愁
誰醞造帶圍暗減知
多少 開眼萬般渾是
惱只仗

微醺假寐寬懷抱，隔屋愁眉春思早。數聲啼破池塘草。

臨江仙

萬紫千紅鬢上粉，聚成一撮精神。宣和宮樣太清真。
韶風搖斗帳，芳露溼綸巾。消得流鶯花底滑，一聲
驚起梁塵。扶將芍藥牡丹春。光浮金盞面，香到玉池
津。

南鄉子

向刻作行香子誤
或作賀方回

風雨過芳晨，多少愁紅恨紫塵。兩點眉尖凝遠碧，紛
紛又被楊花誤。一春金鳳壓嬌雲，睡起紗窗背欠
伸。心事欲言言不盡，沈沈乳燕雛鶯觸撥人。

平齋詞

九

眼兒媚

平沙芳草渡頭村，綠徧去年痕。遊絲下上，流鶯來往，
無限銷魂。綺窗深靜人歸晚，金鴨水沈温。海棠影
下子規聲裏，立盡黃昏。

又

詩錢
德成

花光燈影浸簾櫳，蓬島現仙翁。瑤裾織翠，詩瞳點碧，
酒臉潮紅。寶郎陰德知多少，萬卷奏新功。前庭梧
竹後園桃李，無限春風。

南鄉子

德清舟中
和老人韻

霜月冷婷婷，夾岸蘆花雪點成。短艇水晶宮裏繫閒
情。誰道芙蓉更有成。阿鵲數歸程，人倚低窗小畫

屏莫恨年華飛上鬢堪憑一度春風一度鶯

祝英臺近

爲老人壽

臉長紅眉半白老鶴飽風露歲換星移祿運又交午
須知命帶將夾福推不去穩做箇榮華彭祖 記初
度謝他紫燕黃鸝爭先送好語春滿湖山歷歷舊遊
處管教柳外行厨花邊步屨長占斷好晴奇雨

謁金門

壽夢祥

春正美滿眼萬紅千紫收拾羣香歸甕蟻長年花信
裏 深院簾櫳如水雙燕呢喃芳壘唾碧輕衫人送
喜梅梢新結子

又九日

平齋詞

十

開笑口又是茱萸重九好水佳山長似舊健如黃犢
走 菊蕊崢嶸如豆風雨輕寒初透簷外鵲聲誰送
酒莫閑金椀手

卜算子

簸弄柳梢春呼吸花心露倦粉嬌黃扇底風盡向眉
心度 喚醒海棠紋約住櫻桃素上到瑤臺最上層
共跨青鸞去

後句夢中得

又

芍藥打團紅萱草成窩綠簾捲疏風燕子歸依舊盧
仝屋 曾放麴生疏閑到青奴熟掃地焚香伴老仙
人勝連環玉

柳梢青

老人生日

野服綸巾白鬚紅頰無限陽春一滿三平麤衣淡飯
鍾鼎山林尊前喜氣輪囷道蠶麥分朝甲申天放
新晴人占一飽老子寬心

平齋詞

十一

平齋詞

終

青五日

舜俞於潛人其功烈載在史冊如毀鄧艾祠更祠諸葛武侯告其民曰母事仇讐而忘父母尤爲當時稱歎迨卒時御筆批其鯁亮忠愨今抄所著兩漢詔暨詩文行世樓大防又極賞大治賦一篇予恨未見全集其詩餘四十有奇多送行獻壽之作無判花嗜酒之篇昔人謂王岐公文多富貴氣余于舜俞之詞亦云湖南毛晉識

平齋詞跋

文溪詞

目錄

蘭陵王 一調

摸魚兒 四調

賀新郎 七調

水龍吟 三調

水調歌頭 四調

念奴嬌 二調

瑞鶴仙 一調

沁園春 一調

滿江紅 二調

菩薩蠻 一調

漁家傲 一調

西江月 一調

浣溪沙 一調

城頭月 一調

文溪詞

文溪詞目錄終

文溪詞

宋 李公昂

蘭陵王

燕穿幕春在深深院落單衣試龍沫旋薰又怕東風
曉寒薄別來情緒惡瘦得腰圍柳弱清明近正似海
棠怯雨芳踪任飄泊 敘留去年約恨易老嬌鶯多
誤靈鵲碧雲杳渺天涯各望不斷芳草更迷香絮回
文強寫字屢錯淚欲注還閣 孤酌住春腳便彩局
誰欣寶軫慵學階除拾取飛花嚼是多少春恨等閑
吞卻猛拍闌干歎命薄悔舊諾

摸魚兒

文溪詞

曉風吹繡簾低舞霜霏香碎紅雨燕忙鶯懶春無賴
懶爲好花遮護渾不顧費多少工夫做得芳菲聚休
擗百五卻自恨新年游疏醉少光景恁虛度 貌煙
瘦困起庭陰正午游絲飛絮無據千林溼翠須臾徧
難綠鬢根霜縷愁絕處怎忍聽聲聲杜宇深深樹東
君寄語道去也還來後期長在紫陌歲相遇

又

用古買坡塘
旋栽楊柳韻

做茅堂茂林環翠苔磯低蘸煙浦青簑混入漁家社
斜日斷橋船聚真樂處坐芳草瓦尊滿酒頻頻注皇
禽自舞慣松徑穿雲梅村踏雪朗笑自來去 車乘
墜爭似脩筇穩步前程回首俱誤安閒得在中年好

抱甕尙堪蔬圃高眼覷算不識人間寵辱除巢許風
篁解語應共笑羣狙無端喜怒三四討朝暮

又 五羊郡圖築壯猷堂落成

繞西園粉籠干雉鏡池屏石天造主人意匠工收拾
華屋落成聞早輪奐巧望縹緲五雲深處移蓬島油
幢羽葆指鬚虎長驅鯨鯢網取電走捷旗報 饒吹
發回廡連屯飲犒海山波靜煙掃綸巾蕭散環珠履
春滿綠楊芳草人境好是握穗五翁福地無塵到芝
書在道便整頓乾坤經營萬宇棟國要元老

又 送王子文知太平州

怪朝來片紅初瘦半分春事風雨丹山碧水含離恨

文溪詞

二

有脚陽春難駐芳草渡似叫住東君滿樹黃鸝語無
端杜宇報采石磯頭驚濤屋大寒色要春護 陽關
唱畫鷁徘徊東渚相逢知又何處摩娑老劔雄心在
對酒細評今古君此去幾萬里東南隻手擎天柱長
生壽母更穩步安輿三槐堂上好看綵衣舞

賀新郎 陪廣帥方右史登越臺

繡谷流明幟穩飛輿柔草碧蓋欹松翠遡首意行
窮絕頂綵樹千年勝地遠峰斷莽蒼煙水護日晴雲
收午暑颯長風振葉生秋思籠霧炷影霞袂 清明
官府歌棠芾且蕭閒事外下看玉城珠市山色驕人
逢此客塵尾霏霏露碎一笑又羊銜新穗田野歡聲

和氣合喚觥船猛爲漁占喜誰會得醉翁意

錢廣帥馬
又方山赴召

世羨官高大又誰知幾多卿相身榮名壞我輩相逢
無愧色彼此蒼顏健在又容易分攜越海寫出陽關
離別恨看一行雁字斜分界天下寶願自愛 白衣
蒼狗須臾改久冥心雞蟲得失鴟鵬遲快君帶貂蟬
頭上立老我荷衣草帶肯此膝向人惟拜遠餞元非
趨炎者二十年相與形骸外義金石更堅耐

又同年顧君景冲雲翼經屬
又官舍白蓮盛開招飲水亭

誰種藍田玉碧雲深亭亭月上水明溪曲羞作時妝
兒女態冷淡水餐露沐出塵外風標幽獨除了留侯

文溪詞

三

無此貌便何郎傅粉終麤俗意凝遠韻清淑 涼臺
向晚微風馥訝銀杯羽化折取戲浮醞醪安得梅花
如許大天遣辟除暑溽渾不覺鷺翹鷗沐可恨妖妃
汙太液只東林社友追遊熟宜夜看燦瑤燭

又菊
賦

細雨黃花說是天教開遇重陽玉裁金屑老行要尋
松竹伴雅愛山翁鬢雪任滿插追陪節物惟有淵明
吾臭味傍東籬盤薄芳叢擷便無酒也清絕 芒寒
色正孤標潔慣平生餐霜飲露倚風迎月不比芙蓉
偏嫵媚不比茱萸太烈似隱者瀟閑巖穴至老枝頭
猶健在笑紛紛紅紫塵沙汨香耐久看晚節

又饒廣東吳憲燧
又時持節憲江西

元日除書溼到而今西風老矣駕軺初入自是龍顏
深注想孤鳳翔而後集久父老攀留原隰庾嶺經行
梅亦喜小奚奴背底惟詩笈冰雪句又誰及 昨來
容易風雲翕便三台兩地也只等閑如拾天馬不鳴
凡馬暗百步何如五十沉洵洵波濤方急此去一言
回天力看著高百尺竿頭立澆磊砢快鯨吸

又再用韻
饒吳憲

過雨璇空溼浩秋香光浮桂菊曉風吹入柳繫牙樁
應小駐草草還成勝集又追趁牡車原隰照座玉人
風骨聳想胸蟠蕊闕琳琅笈眞作者世難及 遠山
雲霧工開翕共朱闌徙倚總好錦囊收拾老我祇今
才思澀知二爭如知十憂金縷檀敲休急訪古夷猶
行八境憶朝陽鳴鳳臺端立筆也醉硯池吸

又兩辰自壽游
景泰小隱作

天地中間大縱遊登山臨水散人一箇學易已來
秋又六肯趁名韉利鎖得日日安閑笑過金馬玉堂
也曾到儘不妨拍手溪頭坐風蕩笠月蘭舸 今朝
記是初生我近小春黃菊猶葩早梅將朶拔宅危巔
窮勝踐指點塵寰蟻磨看澗底飛泉□□松柏蒼□
俱壽相更千年雪鶴鳴相和安期老舉杯賀

水龍吟
癸丑江西
持憲自壽

唱恭初意如何竭來五十三年矣犁鋤頗熟詩書粗
解簪紳聊耳自信柴愚真成汲黿卻無劉賦向高秋
初度同時有菊淡相對風霜裏 最癖登山臨水又
何心蝸名蠅利俗緣未了強教肉食何曾知味無事
微吟會心微笑逢塲微醉把日生只恁安排領取百
十二歲

又和吳憲韻且堅
鬱孤同游之約

驛飛穩駕高秋迎人滿目清新景秋還有色芙蓉照
水晨妝對鏡雪捲寒蘆字橫過雁渡浮孤艇是騷人
行處腔風調月香滿袖過梅嶺 斷岸煙收人靜雨
聲乾桐疏楓冷掀髯獨笑仙翁起舞臥龍呼醒近小

文溪詞

五

陽春爲梅也合遲遲鞭影更鬱孤一笑追歡料得玻
翁首肯

又

碧□□□花柳陰稠綠波痕賦一聲雷鼓半空雪
浪雙龍驚起氣壓鯨鯢怒掀鱗鬣擘開煙水算戰爭
蠻觸雌雄漢楚總皆一場如此 點額許教借一得
頭籌歡呼震地翻嗤浮世要津攬進奔波逐利闕了
還休倩渠銜寄三閭角黍會風雲快出爲霖可但領
明珠睡

水調歌頭題舫齋

郭外足幽勝潮入漲溪流舫齋小小一葉老子日遊

遊管領白蘋紅蓼披戴綠簑青箬直釣任沈浮玉纒
飽鱸膾雪陣狎沙鷗箇中眼箇中坐箇中謳箇中
收拾詩料觴客箇中留休羨乘槎博望且聽洞簫赤
壁樂處是瀛洲日月盪雙槳天地一虛舟

又題斗南樓和
劉胡齋韻

萬頃黃灣口千仞白雲頭一亭收拾便覺炎海豁清
秋潮候朝昏來去山色雨晴濃淡天末送雙眸絕域
遠煙外高浪舞連艘風景別勝滕閣壓黃樓胡牀
老子醉揮珠玉落南州穩駕大鵬八極叱起仙羊五
石飛佩過丹邱一笑人間世機動早驚鷗

又壽參政
徐意一

文溪詞

六

地位到公輔耆艾過稀年幾人兼此二美而況是名
賢松柏蒼然長健薑桂老來愈辣勁氣九秋天鯁鯁
嬰鱗語不改鐵心堅說武夷同此月瑞三仙公雖
居後瓌奇偉特卻光前續得紫陽脈絡了卻西山事
業舟楫濟商川飲對黃花酬一酌歲三千

又題登
春臺

野趣在城市岫起此臺高誰移蓬島馮夷夜半策靈
鼇十萬人家甃碧四面峯巒湧翠遠時拍銀濤插漢
筆雙塔簸雨葉輕舫我乘風時一到共嬉遨江山
無復偃蹇彈壓有詩豪寶劍孤橫星動鐵笛一聲雲
裂寒月冰宮袍滄海一杯酒世界眇鴻毛

念奴嬌

壽王母

瑤池高會見雲香鳳背風柔鶴膝天遣月卿來拜舞
新拜璽書增秩有母能賢生兒如此總是前身佛孫
曾戲綵慈顏一笑開逸 曾向渾尺軒中共評今古
手寫王言綉箇裏迺翁棠蔭在映得梅仙山碧人愛
黃堂祝萱堂壽拍拍歡聲溢明年宜勸蟠桃大棗庭
實

又 寶祐丁巳閏四月偕
十友避暑白雲寺

麥秋時候薄陰罩炎日山行乘興筇屐追隨多勝侶
青佩黃冠方領坐石談玄聽泉濯暑直上千山頂倚
風長嘯籟鳴林谷相應 忽湧雲氣漫空海吹急雨

文溪詞

七

覺冰練微冷洗盡人間名利障便是蓬萊仙境半日
偷閑一生清福豈在榮鐘鼎青燈深夜陶然獨妙清
聖

瑞鶴仙

甲辰燈夕

玉城春不夜映月壁寒流燭藻光射鼇山海雲駕擁
遨頭簫鼓錦旗紅亞東風近也趁樂歲良辰多暇想
陽和早徧南州暖得柳嬌桃冶 堪畫紗籠夾道露
重花珠塵吹蘭麝歌朋舞社玉梅轉鬧蛾耍且畱占
先探芋郎戲巧又卜紫姑燈下聽歡聲猶自未歸鉤
車寶馬

沁園春

監司元宵
招隱不赴

纔到中年節物渾閑賞心頓輕據隨分東風瓶簪柳
雪應時燈夜棚綴蓮星自一家春也三杯酒巧璽堆
香笑語聲又何須聽那西樓絃管南陌簫笙平生
黃卷青燈肯珠翠奢華八尺檠欲趁隊閑嬉雕鞍寶
馬回頭猛憶破案囊螢鄰曲漁歌庭除鶴舞塵外冰
輪徹骨清人閑處這炯方寸一點長明

滿江紅

江西持憲
節登高作

薄冷催霜碧空豁飛鴻斜度口九日御風絕頂下看
塵宇滕閣芳筵賤筆妙龍山勝踐旌旗駐料山靈也
要可人遊成佳趣吹帽隨羞千古題餞字非吾侶
卻坐間著得煮茶桑苧萬里寒雲迷北斗望遠峯夕

文溪詞

八

照顰西顧且滿浮大白送黃花斂休舞

又

和劉朔漢
節亭韻

人似梅花峭玉立歲寒風節新圃闢種梅千樹幻成
南雪池碎瀑聲荷捧雨徑涵秋影篔簹月喚石君錯
落坐庭前紅塵絕嫌聒耳簫箏憂慵著眼俳優狎
但一觴一詠放懷開闊涌地池亭工掩映擎天柱石
覘施設待枝金顥可調羹休輕折

菩薩蠻

別劉朔齋後寄詞時朔
齋抵峽山拾遺詞至

雲山疊疊雙眸短夢魂夜趁行人遠千里共襟期吟
風飲月時碧溪穿翠峽雪意蓬蕭颯安得翅飛來
衝寒同訪梅

漁家傲

重著夾羅猶怯冷，隔簾拜祝團圓鏡。取片龍涎安古鼎，香閣靜，橫窗寫出梅花影。寒鵲顛枝飛不定，回紋刺就更籌永。小玉欣眠呼不醒，霜氣緊，麗譙吹動梅花引。

西江月

小鷁載池心，月長虹跨水中。天主人情重，客留連便欲乘風寒殿。霜竹且傳秋信，鏡裏不作春妍。夜涼正好，倒金船，朔飲而今再見。

浣溪沙

筍玉纖纖拍扇紉，戲拈荷葉起文鴛。水亭初試小龍

文溪詞

九

團 拜月深深頻祝願，花枝低壓髻雲偏。倩人解夢笑喧喧。

城頭月

和廣帥馬方山韻贈斗南樓道士青霞梁彌仙

工夫作用中宵晝，點化無中有真氣。長存童顏不改底，用呵磨皺。一身二五之精，媾積得嬰兒，就試問霞翁三田熟，未還解飛冲否。

花庵詞選云李俊明名昂英號文溪升庵詞品云李
公昂名昂英資州盤石人余家藏文溪詞又云名公
昂字俊明番禺人未知孰是因送太平州太守王子
文詞得名叔陽亦止選此一調稱爲詞家射鵰手用
修又極稱蘭陵王一首可並秦周余讀摸魚兒諸篇
其佳處豈遜楊柳外曉風殘月耶古虞毛晉識

文溪詞跋

10392

